

Izjava ambasadora Upravnog odbora Vijeća za implementaciju mira

Ambasadori Vijeća za implementaciju mira podržali ustavni amandman o Brčkom

Na današnjem sastanku u Sarajevu ambasadori Upravnog odbora Vijeća za implementaciju mira su u potpunosti podržali predloženi ustavni amandman o Brčko Distriktu. Ovaj amandman će osigurati da status Brčkog, kako je definiran odlukama Arbitražnog tribunala, bude utjelovljen i zaštićen u Ustavu, te će Brčkom osigurati efektivan i direktan pristup Ustavnom sudu.

Ambasadori su konstatairali da predloženi amandman ni na koji način ne mijenja status Brčko Distrikta, te da ovaj amandman ne utiče na organizaciju Bosne i Hercegovine, ali da će doprinijeti zaštiti statusa Brčkog kao multietničke jedinice lokalne samouprave, te da će usvajanje istog doprinijeti evropskoj perspektivi BiH.

Ovaj ustavni amandman je rezultat značajnih diskusija i dogovora među širokim spektrom stranaka. Amandman ima jednoglasnu podršku svih 31 vijećnika Skupštine Brčko Distrikta.

Ambasadori Upravnog odbora Vijeća za implementaciju mira naglasili su danas da će usvajanje ovog amandmana biti pozitivan signal Upravnom odboru Vijeća za implementaciju mira.